



Sesida dals

Communitgà ils

Protocol nr.

27 d'avust 2019

29 d'avust 2019

642

Dumonda Favre Accola

concernent dapli protecziun per uffants e giuvenils cunter abus sexuals

Resposta da la regenza

Ord vista da la regenza èsi da tegnair vastamain quint da la protecziun e dal bain dals uffants e dals giuvenils en lur process da svilup natiral. Spezialmain sustegna in bun ambient famigliar e privat sco er da scola il progress ed il svilup persunals da noss uffants e giuvenils, ed è d'ina valur enorma.

Tar la dumonda 1: Disposiziuns legalas chantunalas surdattan la cumpetenzza d'engaschar persunas d'instrucziun a las instituziuns responsablas per la scola, e quai en il rom da lur reglamentaziuns. Sche talas mancan, pon vegnir applitgadas subsidiar-main las disposiziuns dal dretg da persunal chantunal. En il rom da sias activitads re-cumonda la surveglianza chantunala da scola en tschertas situaziuns a las institu-ziuns responsablas per la scola da pretender en il process d'elecziun in extract dal register penal ed in extract privat spezial.

Tar la dumonda 2: Cun l'uniun adebar, post grischun da cussegliaziun per planisà-ziun da famiglia, sexualitad, gravidanza e partenadi dal Grischun, ha il chantun ina incarica da prestaziun. La cunvegna cuntegna la purschida "pedagogia sexuala en las scolas dal chantun Grischun". La finamira da la purschida è quella da sclerir se-xualmain, resguardond lur vegliadetgna, tut ils uffants en il chantun Grischun. L'accent vegn mess sin la prevenziun duraivla cunter l'abus sexual. Davart il diever da la purschida decidan las scolas e las vischnancas. La dumonda crescha. Il chan-tun ha perquai augmentà ses sustegn finanziel per la purschida en l'incarica da pre-staziun 2019-2022.

Tar la dumonda 3: Il material ed ils concepts da Swiss olympic, ch'existan gia, èn in bun instrument per proteger meglier ils uffants ed ils giuvenils cunter abus sexuals. Ultra da quai sa basan els sin experientschas ch'èn vegnidas fatgas en l'entira Svi-

zra, ed els vegnan sviluppads vinavant permanentamain cun agid d'organisaziuns partenarias. Il chantun Grischun tematisescha mesiras preventivas tras l'ambassadur chantunal da "cool and clean" e tras curs da perfecziunament che vegnan organisads dal chantun per manadras e manaders. A la regenza pari che la multiplicaziun da programs naziunals sco er che la collavuraziun cun organisaziuns partenarias saja pli effizienta e pli effectiva che l'elavuraziun d'agens standards chantunals.

Tar la dumonda 4: Ils pedofils u lur confamigliars pon sa drizzar als servetschs psichiatics dal Grischun ubain a psichiattras e psichiaters privats. Plinavant porscha l'institut autonom forio ina cussegliaziun sco er terapias per umens cun tendenzas pedofilas. La constataziun tempriva da maltractaments d'uffants e violenza sexuala èn ils champs d'acziun principals da la fundaziun svizra per la protecziun da l'uffant. L'uniun Lilli dat ina cussegliaziun online anonima ed infurmaziuns cun la finamira da prevegnir a la violenza e da promover la sanadad sexuala. Ils posts chantunals da cussegliaziun per l'agid a victimas cusseglian e gidan las victimas d'abus sexual. Sin fundament da las purschidas ch'existan gia na vesa la regenza nagin motiv direct per examinar respectivamain per surdar ina incarica da prestaziun correspondententa per realisar in post da cussegliaziun spezialisà en il chantun Grischun.

Tar la dumonda 5: Pertutgant la tematica da la protecziun da l'uffant sa restrenscha la polizia a sia incumbensa centrala sco l'inquisiziun en collavuraziun cun la procura publica e cun l'agid a victimas. Ina incumbensa essenziala en connex cun la prevenziun ha er la scola. En il nov Plan d'instrucziun 21 GR vegn dada l'attenziun duida a quest aspect, e quai a partir dal stgalim da la scolina.

Tar la dumonda 6: La regenza sustegna il giavisch principal da la revisiun planisada dal cudesch penal svizzer. Delinquentas e delinquents che commettan abus cunter uffants e giuvenils, ageschan zunt condemnablamain. Quai sto vegnir sancziunà correspondentamain. Sco instrument adattà resguarda la regenza però l'augment dal chastis maximal empè da l'introducziun da chastis minimalis.



En num da la Regenza

Il president:

Il chancelier:

Dr. Jon Domenic Parolini

Daniel Spadin